



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Ervditione Religiosorvm

Humbertus <de Romanis>

Ingolstadii, 1591

VD16 H 5888

5. Diuisio vnitatis.

[urn:nbn:de:hbz:466:1-50980](http://urn.nbn.de/hbz:466:1-50980)

De diuisione vnitatis.

C A P V T V.

ET notandum, quod congregationi religio-
sæ necessaria est duplex vnitatis scilicet inter-
ior & exterior. Vnitas interior idem est quod
vnanimitas: de qua Paulus commendat Timo-
theum: *Neminem habeo tam vnam.* De
hac etiam commendatur primitua Ecclesia: *Phil.2.*
Multitudinis credentium erat cor vnum & ani-
ma vna. Habet autem hæc vnitas duas partes:
quarum vna pertinet ad intellectum, alia ad af-
fectum siue ad voluntatem. De prima habetur: *1. Cor.1.*
Sitis perfecti in eodem sensu, & in eadem scien-
tia. Item, Idem sapite. De secunda: *Eandem cha-*
ritatem habentes. Vnitas exterior, quædam est
oris, scilicet vniiformitas laudis diuinæ. De qua:
Vno ore honorificetis Deum. Alia est vnitas la-
boris. De qua: Seruant ei humero vno. Alia est
vniiformitas victus & vestitus, de qua Augusti-
nus in sua reg. *Sicut pascimini ex vno cellario,* *In 3. reg.*
sic induamini ex vno vestiario. Alia est habita-
tionis; de qua in psal. *Ecce quām bonū & quām*
iucundum habitare fratres in vnum. Augusti-
nus. *Iste versus valde dulcis, & suavis melodia,* *psal.134. in*
princip.
toto orbe notissimus, vt tuba Spiritus sancti di-
uisos corpore congregauit in vnum, & mona-
steria plurima peperit. Vnitas exterior, effectus
est interioris vnitatis: & eam indicat & conser-
uat. Diuersitas verò in exterioribus, vnitatem
interiorem dissipat, & diuersitatem animorum
designat.

Q 5

Odo